

N^o. 197 ertailter Quittanz parr bezalt vnd
ausgefolgt wordn
280 fl.

Huius per se [280 fl.]

[fol. 148r]

Holzwachs Hienberg betr[effend]

Mit der Churfürstlichen Durchlaucht, vnsers genedigsten Herrn etc.
Vorwissen vnd Befelchung ist zu behuf dero
Preuwerckhs alhie die Holzwachs, Hienberg
genant vnd anstossendem Krieggern²⁴⁹,²⁵⁰ von Gemainer Statt Burger-
maister vnd Rath, auch ganzer Gemain
vnd Burgerschafft²⁵¹ alhie zu Kelhaimb laut sonderbar vnderm
dato 3. 9ber Anno 1654 vnd der Statt
Sigil ordenlichn Kauftitls vfrichtig
gehandlt vnd erkhaufft wordn vmb ein
Summa Gelts, *nemblichen sibentausent Gulden Capital vnd ainhundert Reichstaller Laykauf*, welcher Kaufschilling²⁵² in crafft genedigster *Ratification* vf nachfolgende Früsten zu bezalln ist.²⁵³ Als neben gemeltem Leykauf an dem Kaufschilling alßbalden *zway tausent*, dann *Michaelis Anno* 1655 vnd zu solcher Zeit Anno 1656 auch yedesmals *zwaytausent vnd Michaelis A^o.* 1657 die ybrigen aintausent Gulden.²⁵⁴ So dann befigt die von Kelhaimb den Kauf-

[fol. 148v]

brief vnd Verzicht zu Ihr Churfürstlich Durchlaucht vnd dero Preuampts Versicherung gebirendt ausgeliefert vnd bereits zur Hochlöblichen *Hofcammer* vnderthenigist *remittirt*²⁵⁵ worden, als ist dagegen *pactirtermassen*²⁵⁶ die erste Erlag am Kaufschilling, nemblichen alßbaldn *zwaytausent Gulden sambt ainhundert funfzig Gulden Leykauf vermüg Quittung*, den 19. 9ber Anno 1654 *datirt*, auch richtig auß Curfürstlicher *Preucasza* erfolgt, thuet zesamen
2150 fl.

²⁴⁹ Grüngern (Krieggern), eine Waldabteilung.

²⁵⁰ „vnd anstossendem Krieggern“ wurde am linken Rand eingefügt.

²⁵¹ „vnd Burgerschafft“ wurde am linken Rand eingefügt.

²⁵² Kaufpreis, Geldbetrag. RIEPL: Wörterbuch, S. 209.

²⁵³ Der Platz wurde absichtlich freigelassen.

²⁵⁴ Der Platz wurde absichtlich freigelassen.

²⁵⁵ „remittere“ (lat.): zurückschicken.

²⁵⁶ D.h. „dem Vertrag zufolge“.